



Broj: 05-11-9361/24

Ilidža, 27.11.2024.godine

Na osnovu člana 43. Pravilnika o uslovima, kriterijima i načinu ostvarivanja poticajnih sredstava iz Budžeta Općine Ilidža za razvoj poduzetničke inicijative i podršku zapošljavanju („Službene novine Kantona Sarajevo“ br.15/2022) i Odluke o izvršavanju Budžeta Općine Ilidža za 2024. godinu („Službene novine Kantona Sarajevo“, broj 22/24), Općinski načelnik objavljuje:

JAVNI POZIV ZA SUFINANSIRANJE SAMOZAPOŠLJAVANJA

PREDMET JAVNOG POZIVA

Predmet Javnog poziva je dodjela poticajnih sredstava iz Budžeta Općine Ilidža kroz „Program sufinansiranja samozapošljavanja“

Općina Ilidža poziva sva nezaposlena fizička lica sa prebivalištem na području općine Ilidža, bez obzira na spol, starosnu dob, radno iskustvo i stepen obrazovanja, da se prijave na Javni poziv za dodjelu poticajnih sredstava iz Budžeta Općine Ilidža za sufinansiranje samozapošljavanja iz Budžeta Općine Ilidža.

Cilj Javnog poziva je samozapošljavanje fizičkih lica sa područja općine Ilidža, kroz pokretanje samostalnih djelatnosti na području općine Ilidža.

Općina Ilidža će sa korisnicama sredstava sa kojima zaključi ugovor o dodjeli sredstava za sufinansiranje samozapošljavanja u skladu sa Zakonom o radu u trajanju od 12 mjeseci od dana registracije djelatnosti isplaćivati poticajna sredstva u iznosu od **600,00 KM** i to za sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće. Navedeni iznos se uvećava za iznos od 400,00 KM koji se dodjeljuje odmah po potpisivanju ugovora, a služi na ime troškova ili dijela troškova za registraciju samostalne djelatnosti. Svi drugi eventualni troškovi padaju na teret korisnika sredstava.

SVRHA JAVNOG POZIVA

Svrha javnog poziva je **stvaranje mogućnosti za nova radna mjesta samozapošljavanjem lica** koja se nalaze na evidenciji JU Službe za zapošljavanje Kantona Sarajevo – Biro Ilidža, smanjenje broja nezaposlenih lica, povećanje i broja zaposlenih lica i registriranih samostalnih djelatnosti.

PRAVO SUDJELOVANJA

Uslovi za ostvarivanje prava za sufinansiranje samozapošljavanje su:

- Da je državljanin BiH;

- b) Da ima prebivalište na području općine Ilidža najmanje 12 mjeseci, računajući do dana objave Javnog poziva;
- c) da se sa danom objave javnog poziva nalazi na evidenciji JU Službe za zapošljavanje Kantona Sarajevo – Biro Ilidža;
- d) da u posljednje tri godine, računajući do momenta objave javnog poziva, nije koristio sredstva za samozapošljavanje Općine Ilidža i organa sa drugih nivoa vlasti u Bosni i Hercegovini;
- e) da sa danom objave javnog poziva nije izvršilo registraciju djelatnosti;
- f) da će registrovati samostalnu djelatnost sa sjedištem na području općine Ilidža i istu održavati najmanje 12 mjeseci od dana registracije.

IZNOS I NAČIN UPLATE POTICAJNIH SREDSTAVA

Sredstva za registraciju samostalne djelatnosti, u iznosu od 400,00 KM isplaćuju se po potpisivanju Ugovora između Općine Ilidža i budućeg korisnika poticajnih sredstava.

Preostala odobrena sredstva, u iznosu od 7.200,00 KM, za period od 12 mjeseci, isplaćuju se na mjesečnoj osnovi u vidu refundacije troškova doprinosa i dijela plate u iznosu od 600 KM mjesečno, po dostavljanju dokaza o izvršenoj uplati istih.

KOMISIJA

Postupak evidencije i vrednovanja pristiglih prijava, nakon provedenog javnog poziva provodi Komisija koju imenuje Općinski načelnik u skladu sa članom 45. Pravilnika o uslovima, kriterijima i načinu ostvarivanja poticajnih sredstava iz budžeta Općine Ilidža za razvoj poduzetničke inicijative i podršku zapošljavanju.

Pravilnikom su definisani način rada i obaveze Komisije.

KRITERIJI

Kriteriji za vrednovanje prijava:

a) djelatnost čija se registracija predviđa poslovnim planom:

Proizvodnja	10 bodova
Djelatnost iz oblasti kreativne ekonomije ¹	8 bodova
Poljoprivreda i domaća radinost	6 bodova
Ostale uslužne djelatnosti	4 boda

b) finansijski doprinos fizičkog lica/podnosioca prijave u realizaciji poslovnog plana:

bez vlastitog učešća	0 bodova
vlastito učešće do 33 %	5 bodova
vlastito učešće od 34 % do 50 %	7 bodova
vlastito učešće preko 50 %	10 bodova

¹Pod kreativnom ekonomijom podrazumijevamo sljedeće djelatnosti: oglašavanje, arhitekturu, umjetnost i tržište antikviteta, tradicionalni zanati, dizajn, moda, filmska i video industrija, muzika, izdavaštvo, softver, radio i televizija i video i računarske igre i dr.

c) vrijeme koje je fizičko lice/podnosilac prijave provelo na evidenciji JU Službe za zapošljavanje Kantona Sarajevo–Biro Ilidža

1.	do 6 mjeseci	5 bodova
2.	od 6 mjeseci do 12 mjeseci	8 bodova
	preko 12 mjeseci	10 bodova

d) procjena kvaliteta (relevantnosti, konzistentnosti i opravdanosti) poslovnog plana

poslovni plan je jasno i logično predstavljen, koraci u njegovoj realizaciji su konzistentni i relevantni sa aspekta njegove provodivosti; postoji jasna veza između planiranih aktivnosti i predloženog budžeta, budžet je realističan u odnosu na predviđene aktivnosti	10 bodova
poslovni plan je djelimično jasno i logično predstavljen, koraci u njegovoj realizaciji su konzistentni i relevantni sa aspekta njegove provodivosti; postoji jasna veza između planiranih aktivnosti i predloženog budžeta, budžet je realističan u odnosu na predviđene aktivnosti	5 bodova
poslovni plan nije jasno i logično predstavljen, koraci u njegovoj realizaciji su konzistentni i relevantni sa aspekta njegove provodivosti; postoji jasna veza između planiranih aktivnosti i predloženog budžeta, budžet je realističan u odnosu na predviđene aktivnosti	0 bodova

e) fizičko lice/podnosilac prijave pripada kategoriji teže upošljivih lica²:

- ispunjavanje ovog kriterija	5 bodova
-------------------------------	----------

f) fizičko lice/podnosilac prijave prvi put zasniva radni odnos:

- ispunjavanje ovog kriterija	5 bodova
-------------------------------	----------

Maksimalan broj bodova koji je moguće dobiti za jedan poslovni plan iznosi 50.

SADRŽAJ PRIJAVE ZA SUDJELOVANJE U JAVNOM POZIVU

Prijava mora biti potpuna i uz nju mora biti dostavljena sva dokumentacija tražena Javnim pozivom (u originalu ili ovjerene kopije).

Prijava na javni poziv za sufinansiranje samozapošljavanja treba da sadrži:

- a) Popunjen i potpisan obrazac Prijave na javni poziv za dodjelu poticajnih sredstava iz Budžeta Općine Ilidža za sufinansiranje samozapošljavanja (**ANEKS- 4**);

²Osobe preko 50 godina starosti; Dugostrajno nezaposlene osobe (preko 12 mjeseci); Samohrani roditelji; Članovi porodica u kojima niko nije zaposlen; Članovi porodice poginulog borca; Osobe sa invaliditetom; Osobe sa nižom kvalifikacijom ili bez kvalifikacije; Roditelji djece sa posebnim potrebama

- b) Ovjerenu fotokopiju lične karte;
- c) Original ili ovjerenu fotokopiju Uvjerenja o kretanju, ne starijeg od 30 dana;
- d) Original ili ovjerenu Potvrdu od JU Služba za zapošljavanje Kantona Sarajevo – Biro Ilidža da se nalazi na evidenciji nezaposlenih, ne stariju od 30 dana;
- e) **Izjavu na propisanom obrascu - ovjerenu kod nadležnog općinskog organa** da u prethodne tri godine, računajući od momenta objave javnog poziva, aplikant nije koristio/a nepovratna sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža i da aplikant nije izvršio/la registraciju samostalne djelatnosti prije objave javnog poziva, te da će izvršiti registraciju najkasnije 30 dana od potpisivanja Ugovora o sufinansiranju samozapošljavanja na području općine Ilidža i da registraciju samostalne djelatnosti neće odjaviti u roku od 12 mjeseci (obrazac izjave u prilogu Javnog poziva).
- f) Original ili ovjerenu fotokopiju odgovarajućeg dokumenta kojim dokazuje status teže upošljivih lica i status prvog zasnivanja radnog odnosa /kriterij tačaka: e) i f) / ovoga Poziva

NAČIN PREUZIMANJA POTREBNE DOKUMENTACIJE

Obrazac Prijave na Javni poziv za dodjelu poticajnih sredstava iz Budžeta Općine Ilidža za sufinansiranje samozapošljavanja (**ANEKS-4**) i obrazac Izjave, mogu se preuzeti na web stranici Općine Ilidža www.opcinailidza.ba i Centru za pružanje usluga u Općini Ilidža (info desk), u ulici Butmirska cesta 12.

NAČIN PODNOŠENJA PRIJAVE

Prijave na Javni poziv sa naprijed traženom dokumentacijom podnose se u zatvorenoj koverti na protokol Općine Ilidža ili putem preporučene pošte na adresu Butmirska cesta 12, s obaveznom naznakom: **“Za javni poziv za dodjelu poticajnih sredstava iz Budžeta Općine Ilidža za sufinansiranje samozapošljavanja sredstvima iz Budžeta Općine Ilidža – Služba za privredu i lokalni ekonomski razvoj“ - „NE OTVARAJ”**.

Javni poziv će biti objavljen na službenoj stranici Općine Ilidža (www.opcinailidza.ba), oglasnoj tabli Općine Ilidža, te oglasnoj tabli Mjesnih zajednica Općine Ilidža i Službe za zapošljavanje Kantona Sarajevo – Biro Ilidža. U jednim dnevnim novinama će biti objavljeno obavještenje o raspisivanju javnog poziva.

Prijave se mogu dostaviti u roku od **25 dana** od dana objave na web stranici Općine Ilidža.

Neblagovremene i nepotpune prijave, neće se razmatrati.

U postupku ovog Javnog poziva Općina Ilidža ne snosi nikakve troškove sudionicima. Prispjela dokumentacija se neće vraćati.

VIII OSTALE ODREDBE

Općina će sa korisnicima sredstava, kojima budu odobrena sredstva, zaključiti ugovor kojima se regulišu međusobna prava i obaveze Općine, kao davaoca sredstava i korisnika sredstava u cilju realizacije Programa sufinansiranje samozapošljavanja i način praćenja realizacije programa, obavezu finansijskog izvještavanja i dostavljanja dokazne dokumentacije, način refundacije troškova kao i druge odredbe o uslovima i načinu raskida ugovora.

SVE INFORMACIJE I OBAVJEŠTENJA U VEZI OVOG JAVNOG POZIVA ĆE BITI OBJAVLJENE NA ZVANIČNOJ WEB STRANICI OPĆINE ILIDŽA TE UČESNICI PO OVOM JAVNOM POZIVU NEĆE BITI POJEDINAČNO OBAVIJEŠTAVANI.

Dodatne informacije u vezi sa učešćem na Javnom pozivu možete dobiti u Službi za privredu i lokalni ekonomski razvoj na broj: 033/775-755.

OPĆINSKI NAČELNIK

Nermin Muzur, magistar uprave s.r.



IZJAVA

Kojom ja _____
Ime (ime jednog roditelja) prezime

(Adresa prebivališta)

Pod punom moralnom, krivičnom i matrijalnom odgovornošću izjavljujem da:

- U poslednje 3 (tri) godine, računajući do momenta objave javnog poziva, nisam koristio/la nepovratna sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža,
- Nisam izvršio/la registraciju samostalne djelatnosti prije objave Javnog poziva na koji se prijavljujem i da po potpisivanju Ugovora o sufinansiranju samozapošljavanja najkasnije u roku od 30 dana izvršit ću registraciju samostalne djelatnosti i istu neću odjaviti u roku od 12 mjeseci od poptisivanja ugovora,
- Nakon registrovanja vlastitog biznisa ću se odjaviti sa evidencije nezaposlenih i u periodu od najmanje 12 mjeseci neću se prijavljivati na evidenciju nezaposlenih.
- Saglasan/na sam da se rezultati javnog poziva objave na web stranici Općine Ilidža.

IZJAVU DAO/LA

(Ime i prezime)

OPĆINA ILIDŽA

ANEKS – 4: PRIJAVA NA JAVNI POZIV ZA DODJELU POTICAJNIH SREDSTAVA IZ BUDŽETA OPĆINE ILIDŽA ZA SUFINANSIRANJE SAMOZAPOŠLJAVANJA

I OPŠTI PODACI

Ime i prezime aplikanta	
Adresa prebivališta	
Lična karta, broj i mjesto izdavanja	
Kontakt telefon	
Kontakt e-mail adresa	
Stručna sprema (zadnje stečena kvalifikacija / zvanje)	

II OSNOVNI PODACI O POSLOVNOM PLANU

Naziv poslovnog plana	
Djelatnost kojom se planirate baviti	
Visina planiranih ulaganja	
Vlastito ulaganje	
Kratak opis poslovnog plana (čime se planirate baviti, kako ste došli na ideju da se time bavite, kako namjeravate obezbijediti neophodna sredstva za rad osim sredstava koja planirate da dobijete kroz ovaj javni poziv; da li ste se ranije bavili sličnim poslovima i da li posjedujete dovoljno znanja da bi se bavili planiranom djelatnosti; ko su vam glavni kupci, ko će Vam biti dobavljači sirovina i usluga i dr.)	

Uz prijavu prilažem sljedeću dokumentaciju:

- a) Kopija lične karte (ovjerena kopija);
- b) Uvjerenje o kretanju, ne starije od 30 dana (original ili ovjerena kopija);
- c) Potvrdu JU Služba za zapošljavanje Kantona Sarajevo – Biro Ilidža da se aplikant nalazi na evidenciji nezaposlenih - ne starija od 30 dana (original ili ovjerena kopija);
- d) **Izjavu na propisanom obrascu- ovjerenu** kod nadležnog općinskog organa da:
 - aplikant nije koristio nepovratna sredstva za samozapošljavanje od strane Općine Ilidža i organa sa drugih nivoa vlasti u Bosni i Hercegovini,
 - aplikant nije izvršio registraciju samostalne djelatnosti prije objave javnog poziva te da će izvršiti registraciju najkasnije 30 dana od potpisivanja Ugovora o sufinansiranju samozapošljavanja na području općine Ilidža i da registrovanu samostalnu djelatnost neće odjaviti u roku od 12 mjeseci.
- e) Ukoliko podnosilac prijave pripada kategoriji teže upošljivih lica, dužan je priložiti odgovarajući dokaz (u originalu ili ovjerenoj kopiji - rješenje, uvjerenje, potvrda...) kojim će dokazati svoj status i ukoliko podnosilac prijave prvi put zasniva radni odnos, dužan je priložiti (u originalu ili ovjerenoj kopiji) - Uvjerenje DF PIO da nije aktivni osiguranik s tim da ovo ne isključuje i Potvrdu JU Službe za zapošljavanje KS – Biro Ilidža iz tačke c), ove prijave).

Pod punom materijalnom i krivičnom odgovornošću izjavljujem da su gore navedeni podaci tačni, što potvrđujem vlastoručnim potpisom.

Mjesto:

Datum:

.....

Podnosilac prijave